

Xan Inaatel Pol laa sin Pilemon

¹ Iaa, Pol, xan xaus Iesu Karisito ma Timoti xida taamat, gelulu atalaa abala inaatel laa sin Pilemon nagelulu xos ina taamat ma uk untinaxaa,

² laa sin Apiaa moton gelulu, ma laa sin Atsipas iwaa nagelulu uk untinaxaa malen unmakmaxil lalon Orong ma laa sin xan matenaanua Moroaa biala di ta xa tsap esuei tataam.

³ Gelulu sawit we Moroaa xida Mom ma Orong Iesu Karisito, delulu ba tali amiimiilam ma malina sin gim.

Xan sausawit Pol

⁴ Iaa xa tigiri putsangi axaau sin nugu Moroaa biala iaa ta adodomi iu sin nugu no sausawit,

⁵ amuina iaa tii alongen taman num tinaalnge lalon Orong Iesu ma num titii ngali no inaman pat araraa.

⁶ Iaa sawit ngali biala xalkale etudim mii biexaa untaltaalnge, naba tsik watwat ma ngali gim ba pupua ngali atii no maarang axaau araraa, Moroaa tii se tali no sin gita. Iaa sawit weaatalaa bula ngalibi no inaman di ba manglen Karisito.

⁷ Nugu taamat, num titii tii tali xaraxin tataton ma inanaa sin iaa, amuina iu se aiaawisi xadi no butsa xan no inaman pat Orong.

Onisimas

⁸ Biaabi lalon Karisito, iaa ie banam ngali pupua ngali asaait awatwati iu ngali xosaraa senaara u na suk xosaraa.

⁹ Oro iaa saan ngali atsuraa iu amuina gita etitii engen gita. Iaa, Pol, iaa se maas, ma talaawaa iaa xan xaus Iesu Karisito,

¹⁰ Iaa saan ngali ningi awatwati iu ngali u ba tiltsomi nugu tsi lalon Karisito, Onisimas, amuina iaa se tsap malen xan mom nan anuen lodo.

¹¹ Tii untutule tsaxa, oro talaawaa a se tsap untinaxaa axaau ngali iu ma iaa.

¹² Iaa tulen ia iwaa nugu xos so, mulangenai laa sin iu.

¹³ Iaa we ina taxaariti ia tala mii iaa, ngalibi naba pupua ngali adi num xolot ngali tiltsomi iaa, biala iaa ta manman lalon no tsen,* ngali abia babaais ina inesaait mamainaang.

¹⁴ Oro iaa xap saan ngali xosaraa xawas u ta xap sirawaa, ngalibi xawas axaau u ta xosaraa na xap atuaai iu, oro u ba taton ngali xosaraa.

¹⁵ Malen balawaa se muina, biala tii ga tapaas poroklii iu sin abia no leng; ngalibi naba sebula manman laaliu mii iu.

¹⁶ A xap ia mu num untutule, oro axaau buxa ngen xa untutule tsa, malen xa xos ina taamat lalon Karisito. Ia nugu xos so ina taamat, oro ia num xos so ina taamat, malen xa taamat ma turumasen gita lalon Orong.

¹⁷ Biaabi nawe iu adodo sin iaa malen num uk untinaxaa, iu na suei atatoni ia malen iu nii suei atatoni iaa.

* **1:13 1:13** *tsen* - Sua ain.

¹⁸ Nawe, tii xosaraa xaa namaang tsaxa sin iu o xaka xiba biao sin iu, iu na aturungi sin iesaaga malen nugu xiba.

¹⁹ Iaa, Pol, iaa atalaa abala taman no limaaga tsaa: iaa ba xisi. Oro nangaam adodolii we num xiba bala sin iaa, ngali num tino uul lalon Karisito.

²⁰ Nugu taamat, iaa saan ngali iaa ba adi xaa axaa sin iu lalon Orong, aiaawisi nugu butsa lalon Karisito.

²¹ Iaa taltaalnge sin num lolong axaa, sawe iaa ta atatal laa sin iu, ngali iaa tii atixi we, u ba xosaraa buxa xaa maarang ngen sawe iaa ta atsuraa iu ngali.

²² Biexa was bula, iu ngali u na taxaaturungi xa xabin ngali iaa, amuina iaa liliis taman tinaalnge we iaa ba leiwaa ngali mula laa sangan iu malen Moroaa ta xisi num no sausawit.

²³ Epararas, nugu uk xaus lalon Iesu Karisito, a tulen xan lasiaat axaa laa sin iu,

²⁴ ma Mak[✠] bula, Aristakas,[✠] Demas[✠] ma Luk,[✠] nugu no uk untinaxaa.

²⁵ Xan amiimiilam Orong Iesu Karisito naba manman mii nantanuan gim.

✠ **1:24 1:24** Apo 12:12, 25; 13:13; 15:37-39 ✠ **1:24 1:24** Apo 19:29; 27:2 ✠ **1:24 1:24** 2Ti 4:10 ✠ **1:24 1:24** 2Ti 4:11

Inesaait Mamainang Laa Sin Notsi
The New Testament in the Notsi language of New
Ireland Province, Papua New Guinea

Copyright © 2024 Wycliffe Bible Translators, Inc.

Language: (Notsi)

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2025-08-14

PDF generated using Haiola and XeLaTeX on 14 Aug 2025 from source files dated 14 Aug 2025

601480e7-130d-5189-be42-9e43a92dbdde